

дело твое среднее будет. Аще ли из злых домов выйдет 15 дом злых*, то будет дело твое велми злобно и хлопотно.

А шестынадесять дом по тому же 15 дому разсуждай, как судил 15 домов*. Зри же брате кур Иоанне и сего. 13 дом пастырь домовом сим: первому дому, 2 дому, 3 дому, 4 дому, девятому дому и десятому дому. А 14 дом пастырь бо домовом сим: 5 дому, 6 дому, 8 дому // да 11 дому, да 12 дому, да 15 дому. Той же 15 дом всем домовом пастырь, с послухи своими, с 13 домом да 14 домом. И сего брате мой зри, который бо израз ставится тех домов многижда в суду и тот израз скажет тебе ответ. Или аще который израз тех домов и изразов да станет во своем дому, той бо ищюю твою правду скажет тебе явно. л. 25

А сии суть срочныи. Аще о сроке дела своего пытаеш, и ты веде мерило, сииречь возврат солнечного круга [14] от летняго восхода на зимний восход. [15] то лето Авродитовы* недели. А от зимняго на летний восход то лунным кругом месяцы [16] Армисовы* дни.

А сих бо двух великих планит и домы их. Первое зодия Телец, а по словенски месяц апрель. Второе зодиа // Лев, сииречь месяц июль. Третье зодия Скоропиа, и по словенский* месяц октябрь. Четвертая зодия Водолей, по словенски месяц генварь. Тех же сила велика суть. Аще станут сии в дому крепком, то стави суд о сваре против супостата. 8 дому, да 14 дому изразы выведи, которой будет израз сильнее пред государя итьти. И ты выведи еще два изрза: ис первого дому да из десятого дому. А себе брате кир Иоанне выведи израз из 6 дому да из 12 дому. Будет склонятся тии супостата твоего изразы 8 да 14 да 1 да 10 к твоему 6 дому да 12 дому и к твоим изразом на едино склонение, то добро ти будет. Аще будет не восклонятся тии первии домы и изразы с твоими, то злоба их над тобою вся збудется. л. 25 об.

А се довод послухом. Восточныя че//тыре домы, положи четом дом весь за едину палку, а нечетов дом положи за едину точку. Сему послух 14 дом, сила бо сих отечская от вышних. А з западную страну, что сняты с восточных 4 домов, и ты почни к 8 вня* дому по тому же, клади четь за палку, а нечеть за точку. Сему послух 13 дом, сила бо их от вышняго сыноположения. А то точки сняты на 10 дому, нечетны сысподи и сверху. Сии бо указуют на строки, на предь лежит. Сие бо мало переходит на питание, но болше переходит об ратнем деле. л. 26

Кто что учинит, господство или рабство, который дом изможет которого дому, коли точка приидет в котором дому сильного знамения или злаго изразу. Первый дом врага победит, будет тычка ис первого изразу. Аще будет обьявится во вра//жьском дому добрый израз сильного знамения, от врага то челобитье, и смирится такожде. И о всем по ряду размысли, не токмо что о какове любо образе, но и о всяком деле о своей половине познавай по домом и по их изразом, занеже бо судия состоится о котором дому с послухом. Потому^я брате кир Иоанне и разумей, понеже прежде от круга лунна, сииречь от вышняго создателя бога и единогоднаго сына его Иисуса Христа со святым духом, и небесная вся движения их и на землю приходит, понеже бо вышнии звезды служат творцу и создателю всех богу и приносят дела своя с послухом. Тии бо светят всем нам грешным на земли, и суд бо их обдержит вся небесная и земная и преисподняя. л. 26 об.

И по сем бо брате кур Иоанне размышляй бо о сих право, но по преданию святых апостол и святых // богоносных отец и всех седми вселенских соборов и протчих всех святых отец наших, в молении и в молитвах и во всех духовных делах провозсияв, а не в сих седми светилах, сииречь планитах и в 12 животных зодиях. Всии бо сии смертни суще и вся их 16 домов мало предлежит. л. 27